



國家清史編纂委員會·文獻叢刊

七編

清代稿鈔本

第三四〇冊

國家清史編纂委員會・文獻叢刊

七編

清代稿鈔本

第三四〇冊

廣東省立中山圖書館
中山大學圖書館

編

主編 桑兵
副主編 李昭醇 程煥文 劉洪輝

SPM

南方出版傳媒
廣東人民出版社

・廣州・

第三四〇冊目錄

黃氏梅月房譜（廣東順德）

一

傅氏族譜（廣東番禺）

四六五

黃氏梅月房譜（廣東順德）

不分卷

黃廷暢修

鈔本

廣東省立中山圖書館藏

黃氏
光緒二十三年

梅月房譜

丁酉抄

序

聞之不修族譜比為不孝然前無所作則後無所承後有所承必前有所作憶自九世十世祖已上非無族譜以彙宗枝奈人往風微篇殘簡斷日久而不得其全者比比然也則五百餘年之嗣續迄今猶知其概此亦碩果之僅存焉耳故我雖餬口四方風塵鞅掌不暇於山墳碑銘詳其行誼而各房之散帙未及稽查何忍因其不甚磨滅者視若弁髦幾同沒於兵霜風火中乎摘其大畧存其體要綱於書亦欲使歷代源流不至顛倒其間則幸矣後之人果能網羅散失俾族內支派悉載詳明是吾之屬望不淺也



省

乾隆十八年歲在癸酉孟春穀旦

十四世孫觀錫頌首敬書

序

嘗聞萬物本乎天而人本乎祖薦馨之典所來也然子孫有思念祖宗尋其始末欲得考據非彙一族譜也不能雖然族譜不易言也夫以上述始祖下逮雲仍卽水木本源宛然具在使非潛心息慮上下千古則為眊為穆曰孫曰祖安能析之至精擇之至詳乎顧嫌其支派浩繁而徒以博碩肥腴奔走於寢宇間者為畢乃事此又豈可語於追思一脉不失其倫之意也哉念我太祖自大宋開禧南下以來閱世不過數百代歷年不過五百載雖去今未遠而繼繼繩繩或存其綱而無其目或得其一而漏其全故邇來父兄縱欲搜其敬

帙勒為一卷究未窮其當日之淵源也為可悲也嗟乎前人事迹既不
幸莫識其典型歷世宗枝再不幸未得其詳畧無怪乎族譜之乍成
而乍廢耳以予生也晚恨不能讀祖父遺書克光前業壯而追尋根
本亦曾於殘碑古墓稽考不忘所以姓字之未甚磨滅者既合於父
老之傳聞而質諸九世十世祖考之遺言又幸其不悖則互相參訂
而本本源源庶幾弗墜在天之靈未嘗不日鑒在茲也迄今斷不敢
曰集為大成登於家乘然歷之來昭穆咸宜各房之祖孫不亂詳其
世系炳如日星俾後人時起追遠之思更知秩然之分不在斯乎不
在斯乎予故彙族譜之宜亟爾至於壯其門閭增其式廓又在乎孝

子賢孫之克承先志者也是為序

乾隆五十年歲在乙巳孟秋中浣十六世孫德祥敬書

序

粵稽往古旌功錫氏紹世傳宗著在遺編詳於系譜水源木本固當
溯流竟委按葉求根然而源遠派分本隆枝茂間遭兵燹之變難免
魚魯之淆故老縱有沿聞散帙曾無的據未便維聲索影誣先惑後
也我太祖自有宋南下以似以續序恃筆傳為穆為昭判堪眉
列八世祖相攸孔樂聚族於斯繼繼繩繩條分縷析先民有作彙
而章焉且遞以子承父述者上揆來由加之綜覈原端究緒考闕叅
疑彬彬乎彞倫攸叙不可謂非孝思之不匱也余生也晚獲證詒謀
曷勝欽仰雖然先覺誠能守文於先後覺者允宜接武於後不揣

冒昧樂踵前踪爰乃見聞得則紀載俾永錫爾類不失其倫或亦尊
祖敬宗之一斑也歟若夫展揚德業光壯門閭是在有志者竟成則
又余所厚望矣

皆

嘉慶十有六年歲在辛未蒲月十四世孫廷暢頌首敬書

脩述祖居係南雄府始興縣牛田村十四圖珠璣巷遷移來歷
祖同盧遠等九十七人南遷根由為

宋朝宮妃蘇氏美貌得寵而姓淫貪私是夕 皇上幸宮恃己之貌失
調雅樂 皇上怒而斥之貶蘇妃於冷宮倍加已慾變詐出逃日
宿夜走別無知覺因一富民黃貯萬運糧上京回至市鎮閘口脩
牲醴酬 神適有女子上船丐食萬見其破衣貌美誘其入艙隱
匿不出因載而歸後 召命復取蘇妃不知其妃逃失久矣 皇
上大怒召兵部尚書張英貴行文各司院府道行查嚴行緝紡經
久無踪乃復命 皇上准過不行時萬已將蘇妃改姓張氏立為

寵皆無知覺因家人劉壯^反及主楊洩根弊傳溢京師兵部尚書張
英貴知此詐民偽造作孽恐 皇上究此根由不便會同通都大
小官僚掩飾前事密行計議偽稱南雄府始興縣牛田村殘寇作
亂流害平民冒奏 皇上准行南雄府始興縣牛田地方擇地建
造營寨聚兵鎮守平寇安民等事時盧遠有姑丈喬輝在京做都
指揮職聞其消息遂遣家人走回報知未及旬日部文批此府縣
嚴行遷徙時始興縣牛田坊五十八村居民億萬之衆莫不嗟怨
惶惶惟珠璣巷居民九十七家互相配議團集稱曰先人曾言南
方烟障地廣人稀莫若合衆志徙^徙向南行得其好處開辟住址聚

於一方朝夕相見亦如今日之故鄉也莫不唯然議畢而相嗟曰
斯非正道之君致有不良之臣君不察臣不諫僞法行移生民無
賴矣即時簽名投縣陳告准案乞批文引仍赴府告准案給
引五號編甲陸續而行其文卷文引詳載於後

赴始興縣遷移詞

牛田坊十四圍珠璣村民盧遠等團為逃難俯乞文引早救生靈
事遠等歷祖世居珠璣村各分戶籍有丁應差有田賦稅別無虧
缺外無違法向惡背良惟天災人禍民不堪命十存四五猶慮難
週今奉明旨頒行取土鎮設寨所嚴恨此行民莫敢不遵遠等

思得近處無地堪遷聞南方烟障地廣人稀堪辟住址未敢擅自
遷移今脩團簽九十七名歷情赴老爺台前俯乞憐宥案准給
引庶經關津口岸不致留難早得遷移有地安生恩戴罔極上告

知縣嚴統化 准批 准申

開禧元年正月初五日團詞人盧遠等共食九十七人赴

南雄府告給文引詞 團為逃難俯乞文引早救生靈事盧遠等
九十七人世住珠璣村於開禧元年正月初十日團詞列名

盧遠

羅貴

鍾仙秀

麥秀

黃天挺

戴福

胡漢端

鄭一元

吳孟魁

陸道恩